

Na osnovu člana 108.stav (1) tačka d) Zakona o odgoju i obrazovanju u osnovnoj i srednjoj školi u Kantonu Sarajevo („ Službene novine Kantona Sarajevo“ broj: 27/24), člana 118. Zakona o radu („ Službene novine Federacije BiH“ broj: 26/16, 89/18, 44/22 i 39/24), uz Saglasnost Sindikata JU „ Treća osnovna škola“ Ilidža broj: 21/26 od 23.01.2026. godine, Školski odbor na 8 vanrednoj sjednici održanoj dana 23.01.2026.godine, donosi sljedeći:

**PRAVILNIK O IZMJENI I DOPUNI PRAVILNIKA O UNUTRAŠNJOJ ORGANIZACIJI I
SISTEMATIZACIJI RADNIH MJESTA JU „TREĆA OSNOVNA ŠKOLA“ ILIDŽA**

Član 1.

(Izmjena člana 6.)

U Pravilniku o unutrašnjoj organizaciji i sistematizaciji radnih mjesta JU „Treća osnovna škola“ Ilidža, broj: 01-1-404-1/25 od 16.04.2025. godine, u članu 6., tački 2.7., tekst:

„Finansijsko–računovodstvene poslove obavlja referent za plan i analizu. Poslovi ovog radnog mjesta obavljaju se kao podrška osnovnoj djelatnosti.“

briše se i zamjenjuje sljedećim tekstom:

„Finansijsko–računovodstveni poslovi obavljaju se kao podrška osnovnoj djelatnosti ustanove, a mogu se obavljati putem zaposlenog referenta za plan i analizu ili se, u slučaju nepostojanja zaposlenog na tom radnom mjestu, povjeravaju vanjskom izvršiocu – pravnom licu registrovanom za obavljanje računovodstveno-finansijskih poslova, u skladu sa važećim propisima i zaključenim ugovorom.“

Član 2.

U dijelu Pravilnika koji se odnosi na sistematizaciju radnog mjesta „Referent za plan i analizu“, iza opisa poslova i radnih zadataka dodaje se :

„Ako škola nema zaposlenog referenta za plan i analizu, za obavljanje poslova i zadataka ovog radnog mjesta može se angažovati računovodstvena agencija ili drugo pravno lice registrovano za obavljanje računovodstveno-finansijskih poslova, u skladu sa važećim propisima i zaključenim ugovorom.“

Član 3.

Računovodstveno-finansijski poslovi povjereni vanjskom izvršiocu obuhvataju poslove planiranja, evidencije, obračuna, izvještavanja i drugih poslova iz oblasti finansijskog poslovanja škole, u skladu sa važećim propisima i zaključenim ugovorom.

Član 4.

Ostale odredbe Pravilnika o unutrašnjoj organizaciji i sistematizaciji radnih mjesta JU „Treća osnovna škola“ Ilidža koje nisu obuhvaćene ovom izmjenom i dopunom ostaju neizmijenjene.

Član 5.

(Stupanje na snagu)

Ovaj pravilnik stupa na snagu danom donošenja.

Predsjednik Školskog odbora

Djelovodni broj: 01-1-114/26

Datum: 23.01.2026.godine

